



UNIVERSITÄTS-
BIBLIOTHEK
PADERBORN

**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titulus XXII. De Fide Instrumentorum.

[urn:nbn:de:hbz:466:1-63255](#)

clericales, laici quidem per excommunicationem & interdictum. cap. 1. 4. Et h. t. Clerici vero prius per suspensionem ab officio & beneficio compellendi sunt, cap. 2. b. t. hoc enim exigit publica necessitas, ne ex defectu probationis haereat jus partis cap. fin. b. t. Excipieudae tamen sunt persona, quas justa & gravis causa excusat, ut sunt Clerici in causis criminalibus, parentes contra liberos, & qui parentum loco sunt, contra eos qui sunt loco liberorum l. 4 ff. de test. haec enim personae ad testificandum nullo jure cogi possunt.

TITULUS XXII.

De

Fide Instrumentorum.

QUÆRES 1. Quid sit instrumentum, & quotuplex? Respond. Instrumentum propriè acceptum, est instructio Causæ, quæ fit ad alicujus rei probationem per scripturam; estque duplex, publicum videlicet & privatum; publicum propriè loquendo est scriptura à persona publica, Notario scilicet vel etiam ab ipso Magistratu cum debitissimis solemnitatibus confecta, cap. 11. de probat. Et novel. 27. c. 2. hujusmodi solemnitates sunt 1. in vocatio divini numinis, quæ tantum est ceremonialis non essentialis. expressio non sibi Pax vel Imperatoris vel alterius Principis in cuius ditione instrumentum fit. 3. Annus currens à nativitate Domini. Indictio Romana, mensis, dies, locus ubi instrumentum conficitur. 4. Rei gestæ series; 5. Præsentia duorum testium, qui vel propriæ, vel

vel saltem Notarii manu sese subscriptere debent.
 6. Subscriptio Notarii & appositiō ejus sigilli, quibus solemnitatibus si instrumentum deficiat, redditur suspectum. *Pyrrh. b.t.n* 6 Instrumen-
 tis publicis æquiparantur protocolla Judiciorum, scriptoræ ex archiviis publicis extractæ. *autb. ad*
hac Cod. b.t. item scripturæ quæ quidem à persona
 privatâ confitæ, sed sigillo publico Episcopi capi-
 tuli, vel universitatis Jus sigi li habentis munitæ
 sunt. *cap. 5. & 7. de probat.* instrumenta privata quæ
 auctoritate publica aperiuntur, ut testamenta, *Co-*
dicilli 16. Cod. de testam. & denique scripturae privatae
 manu coorum testium subscriptæ, quam diu testes
 vivunt, *c.2. b.t.* Privatum instrumentum est, quod
 à privatâ personâ conficitur, ut sunt libri merca-
 torum, rationum, Inventaria privata, cautiones, pro-
 priâ debitoris manu probationis vel memorie cau-
 sâ conscriptæ epochæ antepochæ, &c. *l. plures Cod. b.t.*

QUÆRES 2. Quam viam probandi ha-
 beant instrumenta? Respond. 1. Publica & quæ
 his æquiparantur plene probant quoad ea quæ di-
 spositivè in iis continentur, non item quoad ea,
 quæ narrativè tantum. *l. 1. Cod. b. t. In nec in cap.*
cum in jure, de off. de leg. num. 7. Resp. 2. Instru-
 menta omnino privata et si regulariter nec plenè,
 nec semiplenè probent proscribente, *l. 5. 6 ff de*
probat. præsumptionem tamen pro eo inducunt;
 contra scribentem vero plenè probant per text. *cap.*
14. b.t. si causa sit expressa. Neque obstat quod
 confessio extra judicialis adversario absente facta
 vix semiplenè probet, ut superius diximus; quia
 major vis est assertionis scriptæ quam oretenus pro-
 latæ, partim quod scriptura semper adeoque etiam

R 2

prælen-

præsente adversario loquatur; partim quod majori deliberatione & cautela scribere quam loqui sollemus. abb. in cap. 2. num. 10. In praxi autem per instrumenta hoc modo, solet institui probatio. Actor qui Intentionem suam in aliquo instrumento fundat, illud vel ab initio reo communicat, vel expectat donec lite contestata sibi sit injuncta probatio. Hoc facto petit citari adversarium ad inspiciendum & recognoscendum originale instrumenti, cuius Copiam simul præsentat, quæ comparenter eo cum originali suo confertur, id est, utrumque legitur, & si copia verbotenus cum originali concordet, id manu Notarii ad Calcem illius ponitur, quod tali die copia cum suo originali in Judicio sit collationata & concordans inventa; hoc facto actor originale suum recipit, & copiam sic collationatam apud acta relinquit, quæ plenam fidem facit; hæc postea, communicatur reo, ut exceptiones suas si quas habet, opponere possit; & hæc instrumenta semper produci possunt usque ad conclusionem in causa; quod non tantum deactor, sed & de reo procedit.

TITULUS XXIII.

De Præsumptionibus.

QUÆRES I. Quid sit præsumptio & quætuplex? Respond. Præsumptio est conjectura quædam ex certis signis desumpta, quæ pro veritate habetur; estque duplex, alia est Juris, alia facti, sive hominis. præsumptio juris est quæm